


বিষ্ময়প্রিয় মণিপুরী সাহিত্য বাবো সংস্কৃতি চক্র লৌটাক ওৰাহাটীৰ

পহৰ

মাসুৱা পত্ৰিকা, অক্টোবৰ, ২০০৯



সম্পাদক

মৃণাল কান্তি সিংহ

"PAHAR"

A Literary, cultural and educational magazine of Bishnupriya Manipuri.

“পহর”

বিষ্ণুপ্ৰিয়া মণিপুৰী সাহিত্য, সংস্কৃতি বাৰো শিক্ষামূলক পত্ৰিকা

ফংকৱানিৰ খেলতাম :

১১ অক্টোবৰ, ২০০৯ (লাম্বইসিঙ)

ফংকৱানিত :

বিষ্ণুপ্ৰিয়া মণিপুৰী সাহিত্য বাৰো
সংস্কৃতি আলোচনা চক্ৰ, লৌটাক গুৱাহাটী

চিত্ৰ য়েক্ৰৱানিত :

সুদৰ্শন সিংহ

বাও :

তাংখা পন্দৰহান

[Rs. 15.00]

ছাপানিত :

বন্দনা এণ্টাৰ প্ৰাইজ
মালিগাওঁ, গুৱাহাটী

ঈকসূচী -

সম্পাদকীয় ঈকনীগ / ১

বিশ্ব পৰিক্ৰমাৰ পথে

মিকুপ আহান / ৩

হাৰপেইল কথা : / ৬

হিকিক আমি / ৭

অন্তৰৰ আশা / ৭

বানা পানা / ৭

জেঙা কলা / ৮

য়াদগাৰ / ৯

আন্দুকা পৌয়াল্পা / ১০

ৰেশা-ৰেশি / ১০

পুল্লাপ-অনুপ্ৰাসৰ কবিতা / ১১

নন্দিনী / ১১

সংগীত বাৰো জীবন / ১২

সম্পাদকীয় ঈকনীগ-

বিষ্ণুপ্রিয়া মণিপুরী সাহিত্য বারো সংস্কৃতি উন্নতির ডাঙর হপন আহান নংসাং আগেত্ব কবি-সাহিত্যিক শ্রী শশীকুমার সিংহ (সভাপতি, নিখিল বিষ্ণুপ্রিয়া মণিপুরী সাহিত্য পরিষদ লৌটাক গুরাহাটী আঞ্চলিক কমিটি) গিরকে দেহেসিল। তাথকয়া গিরকর যামপারা হমায় ০৮-০৩-২০০৫ ইং মঙ্গলবার শিবরাত্রির দিনে লৌটাক গুরাহাটীর ফাম-ফাম লয়ার মানুরেল ভোজনর বিতরে মাহেলি সাহিত্য আলোচনা চক্র আগর লেইসিগ বারাসিল। গুরাহাটীর বেলতলা লয়ার পিলিংকাটাত শ্রী শশীকুমার সিংহগিরকর গরেই গিরকর তত্বাবধানে আলোচনা চক্রগ বিয়ান ৮.৩০ বাজিত্ব মাদান ৫.৩০ বাজি পেয়া নিয়াম শাস্তি, শৃঙ্খলা বারো হারৌপার বিতরেদে চলেসিল। অউ চক্রত প্রাই দিকুড়ির গজে কবি, সাহিত্যিক বার শিল্পি গিরিগিথানীয়ে যৌসিলা।

চক্রগ নিয়াম হবায়্যা দিনে দিনে ক্রমোন্নতি অয়া বছর আহানর গজে চলেসিল। উপেই গিরকে নিজ নিজ ইকরা কবিতা, গল্প, প্রবন্ধ, বার নাটক আদির প্রচাররকা বুলিয়া মাধ্যমহান হিচাপে মাহেলী সাহিত্য, সংস্কৃতি বার শিক্ষামূলক পত্রিকা আহানর হপন দেহেসিল। ও হপনরে টেইপাঙে আনানিকা বুলিয়া নানা মানুরে পাচহান নাং দেসিলা যেমন - “ঈকনী”, “বৌউরুলী”, “লংলেই”, “পহর” বারো “আফাল”। এহানিরমা “পহর” রেই হবাইতই বুলিয়া লেপকরানি অসিল। উহান ফংকরানির ভারহান মোরাং দেনা অসিল। কিন্তুমান কালর বিপাকে পরিয়া পেইরাকক সাহিত্য পত্রিকাহানতে থাক চক্রগ পেয়া ইঙ্গ অপরেসিলগা। যেতাও অক উতার বিতরেও শ্রী শশীকুমার সিংহ গিরকর খৌতালল মি হাদিগত আলোচনা চক্রগ বারো অকরেসিলু। কিন্তুমান আলোচনা চক্রগত দরেসিল গরগ উহান না সুটিল।

গরগর দাপটহান নিয়াম সময় নাথার। তাথকয়া ডিলৈলেরগায়ৌ চক্রগ গরগহান ফারিদিয়া সাহিত্য, সংস্কৃতি বার শিক্ষামূলক পত্রিকাহান “পহর” ল পহরে আহিল।

মি নিজে সাহিত্য পত্রিকা আহান নিকালানির ঠোরাঙে

আসিলু। কিন্তুমান নানা নমুনার বিপত্তিত নিকালানুরারিয়া আসিলু। ঔ সময়ত শ্রী শশীকুমার সিংহ গিরকর য়াথাঙে “পহর” ফংকরানির সুযোগহান পেয়া মোর ঠৌরাঙহান রূপ পার বুলিয়া এহানাত আমারাক দিয়া নিকাললু বার নিকালতে নিয়ামপারা হিনপেইলু। এহানাত নানা লাল থাইতে পারে। তাথকয়া পাঠক গিরিগিথানীয়ে বানান বারো বাক্য চুমকরিয়া পাকরানির হেইচা করুরী। এহান নিকালতে কবি-সাহিত্যিক শ্রী শশীকুমার সিংহ গিরক বিদেশে যানাই শ্রী বীরেশ রঞ্জন সিংহ গিরক বারো শ্রী হরেশ্বর সিংহ মানব গিরকর পাংলাকল “পহর” পহরে আহিল। উহানরকা তানুরে হাদিয়ৌপা থাকাত জানাউরী লগে চক্রগত যৌসিলা কবি-সাহিত্যিক হাবিরে থাকাত জানাউরী। কিয়া বুঝে, গিরিগিথানীর ঈকরা নাইলে “পহর” ফংকরানি সম্ভব নাইলইস। ছাপেয়া হবাকারে নিকলাদেনাকা বুলিয়া “বন্দনা এন্টার প্রাইজ”র মালিক- শ্রী সুদর্শন সিংহ গিরকরে হাদিয়ৌপা থাকাত জানাউরী। লমৈতেগা লৌটাক গুৱাহাটীর ফাম-ফামর চিনা-অচিনা কবি, সাহিত্যিক বারো শিল্পী গিরিগিথানীরে মাসুরা আলোচনা চক্রগরে চাঞ্চল বার আমার সাহিত্য সংস্কৃতির উন্নতির সালে যৌদেনারকা হাদিয়ৌপা হেইচা থাইল। ○

হেইচাৎ-
শ্রী মৃনাল কান্তি সিংহ

বিশ্ব পরিক্রমার পথে

মিকুপ আহান

(পাঞ্জাবাড়ীত অনুষ্ঠিত ৫ ম সাহিত্যালোচনা চক্র ১৩/০৮/০৫ ইং সভাপতির
ভাষণ।)

অনন্ত কালর যাত্রা, মিকুপ আহানৌ হের নেই। চিরকালেই মি হজাগ বারো কর্মরতগ। পরিক্রমার পথে দেহরি, বিশাল সৃষ্টি যজ্ঞর জ্বর মেইপুল এগন্ত অবিরাম জীবাংশর কত মেইরিক নিকুলিয়া, মোহনীয় দৃশ্যর রচনা করিয়া, বেলেয়া যিতারাগা, অদৃশ্য অইতারা। প্রক্রিয়া এহান চলেছেতা মানব জগতর অজ্ঞাতে, অনন্ত কালর গতিপথে। এরে গোপনীয় রহস্যময় লীলা এহানর, আদি-অন্ত জ্ঞাতা, তত্ত্ববেত্তা কোন কালৌ জগতে আবির্ভাব নাছি, নাইতায়। এহান চলেছেতা, একমাত্র পরমাশক্তি মহামায়ার নিয়ন্ত্রণাধীনে। পুরুষ প্রকৃতির সংগমে যেগর স্বরূপহান, নিরাকারে অপরূপ আকারে স্বয়ং সৃষ্ট বারো প্রতিষ্ঠিতহান।

কর্মসজ্জিয়েই প্রকৃতির স্বভাবহান। জড়তার লাংলার সীমা নেই। চেতনার ক্ষয় বারো লয় নেই।

পৃথিবীং জীব জগতর মেলে, আর আর মানুর সমাজ সংগঠিত অনার সাদে, বিষ্ণুপ্রিয়া মণিপুরী এতাউ সংগঠিত সমাজ আহান। নিজর নিজর অধিকারল দুনিয়াং, হাবির জীবন যাত্রাউ গতিশীল। দাপার সংখ্যা নিয়াম, কম, পাংকাল মতে ব্যবস্থিত তানুর নিয়ম নীতি, আচার আচরণ, বিধি বিধান। এরে রাই সাং বিচরণ ক্ষেত্রং, ক্ষণস্থায়ী বেরাচেরা করে পারলৌ, বলৎকারে কারৌ কোনগে আটক করে নুরারতারা, অধিকারৌ নেই। ধাপদিলে খানি আগে পিসে অনা স্বাভাবিকহান অইলৌ, উদ্দেশ্য বারো আদি অন্ত হাবিরতাউ আকহান। স্বার্থর হেরাফেরীংহে আপ্পানে সময় মাংকরাগি, কৌলী, দুঃখ দুর্দশা, নানান সমস্যার সৃষ্টি। দুষ্কৃতিকারীয়ে ক্ষমা পেইলৌ, হেরেদে লিত পারলৌ, প্রায়শ্চিত্ত অনিবার্য। স্বকীয় কর্মর পরিণাম ফল নিজরকা। কারৌ কোনগে হানি করলাং, ঠকেইলাং বুলিয়া নিংকরানি মুখমীহান। প্রকৃতির কঠিন নিয়ম শৃংখলান্ত সহজে ছরিং পানা, ফুঙ্কিয়া যানা, কারতাউ মূঢ়াং নেই।

মিকুপ আহানরকা অইলৌ, বর্তমান মি এপেয় বিষ্ণুপ্রিয়া মণিপুরী সমাজ এহানর লগর যাত্রিক আগ। এ সমাজর জীবন যাত্রার পথে, তানুর গতি বিধির গজে মিল্লৈং থনা দায়িত্বপূর্ণ কর্তব্য আহান। তানুর হবা সাক্তি বিবেচনার দায়িত্বন্ত মি

মুক্ত নাগৈ। কিন্তু, সমাজ আহানৰ বিতৰে নিজৰ দৃষ্টি বারো বিচাৰ ধাৰাৰে কেন্দ্ৰিত
কৰাণিৰ আগে, বিশ্ব পরিস্থিতিৰ গজে, আকখুৰুম হাবিৰ মিল্লেং আশুলানিৰ প্রয়োজন
আছে বুলিয়া নিংকরুরি।

যদিয়ৌ, কোটি কোটি গ্রহ নক্ষত্রল নিজরে নিজে বেমলবেঠা করে হাজেয়া
চিৰপ্রতিষ্ঠিত, ইমা মহামায়া ভবেই গিথানকর (আট্টিংগার) অপরূপ রূপ দর্শনর
ক্ষমতা বারো উপনির যোগ্যতা জগতর সাধারণ মানুরাং নেই। তানুর দুর্দস্য খৌরাং
কিন্তু, অব্যাহত।

সৃষ্টির আদি কালেত্ত অকরে, এরে মহিমাপূর্ণ অনন্ত বিশ্ব বৈভরে উপনির
উদ্দেশ্যল কত মনীষীয়ে তানুর চিন্তা ধারার হুং ভাহুরেয়া গেছিগা। এবাকাউ
অনুসন্ধানর পিছে অনুসন্ধান চলেছে। কিন্তু, তানু দেহেছি, উপছি উতা এ সুবিশালর
তুলনাং নকহানি পাৰা। বর্তমানর লগে জড়িত বারো ক্ষণস্থায়ী।

মানুর দেহ মনর পাংকাল সীমিত, নিয়াম, কম, আহৌ বছর আয়ু। এরে
আহৌ বছর এহানৌ পরমা শক্তির নির্দেশ প্রতিফলনর মিকুপ আহান মাত্র। মিকুপ
উহানর বিতরে মানু এতায় বিষয়াসক্তির বশীভূতয়া চংচঙেই ফালদিতারা উহান,
তানু যে মেত্তমারতা ঔ কমজোরীর পরিচয়হান। পাহীয়ার পাখ কাপেদিলে, মাছ
টেকাং তুলে দিলে, যে অবস্থা দেহা দেৱ, বাস্তব সেতয়র কঠোর নীতির মুঙে মানুর
অবস্থা আকহান।

সাধারণ দৃষ্টিল আট্টিংগাং আছে গ্রহ নক্ষত্র এতারে বিরাট আকারে দেখলৌ,
বিশাল ভবেইর বুকৈ ধূলিকনা আকেইগৌ নাগৈ। ঔহানাং, কুত্তিরাঙেত্তৌ কুত্তিরাং
মানুর চিন্তাধারা বারো দূরদর্শিতার প্রসারতা কতিহান অইতো পাৰে, হাবিয়ৌ সহজে
অনুমান করে পারতায়। যদিহে মানু বিবেক বুদ্ধি পালপাতা, জ্ঞান বিজ্ঞানল
পাংকালপাতা অয়া থাইতারা। প্রাকৃতিক বিপত্তি বারো আর আর সাধারণ কারণে,
কাম কালর চিনৎ নেয়া, মিকুপে মিমুং নাইলাইস। অমূল্য মানুর জীবন বুলিয়া যত
পোষণ করতারা, ঔহানরে তানুর বিজ্ঞান শক্তিল রক্ষা করে পারলাইস। কিন্তু, কেতে
মানু হাবিগদেত্তৈ ব্যর্থ বারো অসহায়। ঔতারমা ঔ বিখ্যাত বৈজ্ঞানিক, দার্শনিক,
আইনজ্ঞ, প্রভাবশালী বারো প্রতিভাশালী থাইতারা। এতার কোন যক্তিপূর্ণ উত্তর
আছেতা? আচরিতয়া হুনানি, দেহানি বারো জুম মারিয়া থানা সারা, আর কারতাউ
মাতানিরতা নেই।

সময় বারো প্রয়োজনে ফুতি পটানির সাদে, বিশ্ব বিবর্তনর লগে, প্রকৃতির
নিয়মে পরিবর্তন আহের হাবিতারমা। জাগতিক চেতনারমা কালে কালে সমাজ,

ভাষা, ধর্ম, নিয়ম-নীতি প্রবর্তিতয়া আছে। প্রয়োজনে সংস্কার আছে। প্রকৃতির এ নিয়ম অনন্ত কাল চলতে বাস্তব সেত্বরমা সুপৌ বিতর্কর হিরাম (অবকাশ) নেই। জীব, প্রকৃতির নিয়মানুগামী।

স্রষ্টা গিরকে সময় মাংকরিয়া আধানে সৃষ্টি এহানরে না সালকরেছে। কর্মক্ষেত্র এতা হাবির যোগদানর প্রয়োজন আছে। যেতারেল জগতর কর্মচক্র চিরকাল গতিশীল। নিজর ফামে, নিজর কামে, হাবিরতাউ কদর বারো আদর আছে। ডাঙর হুকাং কারৌ কোনগৈ লেইকরানির অধিকার নেই। ডরানির কারনৌ নেই। নিয়ম রক্ষক, নিয়ন্তা গিরক হামেসা হজাগ। প্রকৃতির সুপরি কল্পিত নীতি নিয়ম উলংগনর পাংকাল বিশ্বর কারাঙৌ নেই।

কিতাপারা, কোনকালে কোনগৌ পুরুষ সন্তার গৌরব করিয়া গেছিগা, ওহানৌ তেইর (প্রকৃতির) প্রয়োজন সিদ্ধিরকা, আন্তরিক শক্তির প্রকটিত স্বরূপ আহান। যে শক্তিল সৃষ্টির ফলন, লালন-পালন বারো বিলোপ্তির প্রক্রিয়া লেইত্রং করেছে। এরে পরমা শক্তি মহামায়ার (মহাকাশর) অন্তর্নিহিত পুরুষ সত্তা স্বরূপ সংঘর্ষণর পাংকাললৈ জগতর প্রকাশ। তেয়ে আদি, অন্ত, ঈশ্বরাদিশ্বরী, তেইর পিছে আর কিতাউ নেই।

কর্মর পরিণাম, প্রতিদানর ব্যবস্থা, জগতর গিরকর নীতিং সুনিয়ন্ত্রিত। জীবন যাত্রার পথে, হাবির প্রয়োজনীয় প্রাপ্যন্ত কোনগৌ বঞ্চিত নাইতারা, ব্যবদান বারো ব্যতিক্রম সুপৌ নার, ও তথ্য উহান কিন্তু মানুর জ্ঞানর আধারে। ওহানে, এপেয় পেয়া হারৌ অনা, নাপেয়া কাদানির, দুঃখিত অনার কোন কারণ নেই। হাবি অবস্থা বারো ব্যবস্থার আধারে নিয়ন্তার কুপ বিচার সক্রিয়। জীবনর উদ্দেশ্য সফলতারকা, বিমূঢ় নায়া, হাবি অবস্থারমা ধৈর্য বারো আত্ম বিশ্বাসে বলবানয়া আওরেয়া যানা। ওহানাতেয় নিয়ন্তার নির্দেশ পালন বারো বিধাতার জীবন দানর সফলতা। কাকাড়া দেহিয়া চিপা খানার ডরে কুরু সুমৈলে, জীবন ধারনেয় ব্যর্থ, বিফল।

এপেয় এরে মানুর মহলে হংকরা কৃত্রিম ঘর, গাঙ, দেশ, সমাজ ভাষা, ধর্ম, নিয়ম, নীতি, ঈশ্বরর প্রতিপত্তি হাবিতায় মেত্তমারতা। প্রয়োজনে যেসাদে গাছে পাতা ডেমার, কাম লইয়েলে বুড়ায় জড়িয়া পড়ের। যাত্রী যাত্রীয়েই, আইলে আলায়া থানা, গেলেগা আনা লাগতৈ। বিশাল ব্রহ্মাণ্ড এহানাং জীব, সৃষ্টির কর্ম চক্রর চির পর্যটক বারো সম্পাদক।

সৃষ্টিং প্রকাশমান হাবিরতাউ পালয়া থানার সময় লেপয়া থার। ও লেপকরা সময়র মিকুপ আহানৌ হেরফের নার। প্রকৃতির লিংখাং জগতর অনুষ্ঠানে অংশ

গ্রহণৰকা জীব প্রাণী আগেয় পদফাম নিৰূপিত বারো নিয়োজিতয়া অবতৰিত
 অইতারা। ঔহানে মানু বা আর আর জীব জরম অনার লগে লগে, ঔ মার্গ ইলয়া
 সক্ষম বারো সফল অনার প্রচেষ্টা চলেয়া যিতারাগা। কারণর লগে সংঘর্ষ অকরতারা।
 এরে চিরস্থায়ী কঠোর নিয়মর বিতরে বিশাল বিশ্বং, হুকাং পৃথিবীশৌ এহানৌ
 আছেহান। ঔ অনুষ্ঠান কেন্দ্ৰং অংশ গ্রহণকারী, মেত্তমার অতিথি মানুয়ে বিষয়াসক্তির
 বশীভূতয়া স্বার্থ সিদ্ধির অপকর্মং লিপ্ত অইতারা। বিশ্বয় তাপিত্রর জ্বিং স্বজ্ঞানে বা
 অজ্ঞানে, নিজরে নিজে আত্মতি দিতারা। নীতির বারাদে কাকেই দেনা মানেই বিকলাংগ
 অনা। ঔ বিকলাংগ বিষক্রিয়াই বর্তমান জগতরে তাপকরে গিলে নিতৈগা। বিনাশর
 ভবিষ্যতরে, এ হারৌপা মিলনোৎসবর অকাল সমাপ্তিয়ে কলকরতৈ। ○

(ক্রমশ)

হারপেইল কথা :

- ১) বিষ্ণুপ্রিয়া মণিপুরী সমাজর পইলাকার Chief Secretary গ কুংগ?
- ২) বিষ্ণুপ্রিয়া মণিপুরী সমাজর পইলাকার MLA গ কুংগ ?
- ৩) ভারতর পইলাকার জেলা (Woman) প্রধান মন্ত্রীগ কুংগ?
- ৪) ভারতে কার নেত্রীত্বে ক্রিকেট বিশ্বকাপ জিঙেসিলা ?
- ৫) “শহিদ-হি-আজম” কারে মাতানি অর?

(ক্রমশয়ে বারহান সংখ্যার প্রশ্নর উত্তর শুদ্ধ করে পারতাই পইলাকার
 গিরক/গিথানক উগরে তাংখা ১০০০ আহান বার মানপত্র আহানল পুরস্কৃত
 করানি অইতই। পত্রিকাহান প্রকাশর তারিখেত ২৫ (পচিশ) দিনর বিতরে
 তলর ঠিকানাগত উত্তরহানি ফৌরনি লাকতই। উতার পিসে ফৌরৈলে উত্তরউতা
 গ্রহণযোগ্য নাইতই।)

Editor

"PAHAR"

Mrinal Kanti Singha, (Prasanjit)

C/o. Bandana Enterprise

(Back Side of Chhyaram Building)

Maligaon Chariali, Guwahati - 12

Cell : +919954811600/+919707198291

E-mail : Singha77prasanjit@gmail.com

হিকিক আমি

শ্রীবীরেস রঞ্জন সিংহ

ফুলরাংত হিকিক আমি
সৌন্দর্য বারো সুগন্ধি
গাছরাংত হিকিক আমি
আত্মদান বারো আশ্রয়।
বেলীরাংত হিকিক আমি
সাম্যবাদ বিলেইতে তেজ বারো মেইঙাল
জোনাকরাংত হিকিক আমি,
আধার সেচানির ইঙাল ঙাল।
গাটরাংত হিকিক আমি,
জীবনর ফৌয়েলগা লক্ষ্য,
পেপুরারাংত হিকিক আমি
আমার জাতীয় ঐক্য।
টেঙুরারাংত হিকিক আমি
বিপদে আপদে অটল অবিচল,
পানিরাংত হিকিক আমি
জীবরে দান করানি জীবন।○

অন্তরর আশা

নমিতা সিংহ

আমার অন্তরে ডাঙর আশা,
বিষ্ণুপ্রিয়া মণিপুরী ভাষা।
ঙালক পালক হাবির পাংলাকে,
মায়া প্রেমে অইক ধন্য এ লোকে।
কি যাদু আসে আমার এলাং,
ধান কাপতে দিতারা এলা।
ইমা ইন্দলে বালাং,
রাধা কৃষ্ণর প্রেমে মত্ত বিষ্ণুপ্রিয়া
সংসারর মাঝে থাইতারা ভজনে বুরিয়া।○

বানা পানা

মৌসুমী সিংহ

মি না মনাউরী
তি বানা পানা।
উতা বুলিয়া তি
কাঁটাল' না বিদেইচ।
অইতে পারে মি নিঙলগ
অবলাগ নাগয়।
মোর আসে
আত্ম বিশ্বাস।
মি না মনাউরী
তি বানা পানা।
মানুর ঘরে জ্বি দিলে
নিজর ঘরে জ্বি লাগের।
উহানল' তি মোরাংন্ত
দুরেই অয়া থাইস।
মি না মনাউরী
তি বানা পানা।○

জেঙা কলা

শ্রী হরেশ্বর সিংহ

কলা কান্দাহানর
মি জেঙা কলাগ,
কান্দাহানর বাকী কলারমা
মি ইলেই-লেই কলাগ।
দুগ-আগ মানু ছাড়া
আর কোনগয়ৌ
মোরে খানাতে থাক
আতানিহান পেয়া,
আজিপেয়া আতহানি
বাড়ি করতারা,
মিতে থাক কান্দাহানর
বাকী কলাগি পেয়া
আতেইতে হাঈকৈ অইতারা,
কিয়া বুজ্জে উতাও মোর ধারানালা
উহানে মোর তুল উতাও অপরাধী।
তারো গুরুরাংতো দুরেই করিয়া
খেইকরিয়া গুরুর শাঙগং
পল্লা-পল্লা খেড়র তলে থসি।
(এদিনি) হাদিগং মি খালকরেসিলু
মজিয়া খুমিত কাইলে
হয়তো মোরে চেপকরতাই
কিন্তুমান হাবি লাল।
মজানির লগে-লগে
নিষ্কা আইতারা ভিখারীরে
আগ দুগ করে বিলানি অকরলা,
হায়! মোরে মানু এতাই
জাতমাংপা, আতলাপাগ গড়েয়া থইলা।

ইতিহাস পথর কাটাগ অয়া
জিরা-জিরা বেরা করের।
আরাক আহান
এহানউ দেহুরি
মানু কতগয় বারো
বাকী মানু এতারেল
মোরে আতুৰানিকা
আমারাক দেসি —
উহান দেহিয়া মিও হারৌ অইলু।
মানু উতারাং চেলৈতৌ সাত বুলিয়া
তানুর সিজিল উহান হারৌ এ যাকরলু।
মানু উগিয়ে তানুর মোয়েইরেল
হন্না করাং লাগলা —
মজানির লগে লগে
আকফুরুম লুহঙর কান্দাহান করে
আকফুরুম লক্ষ্মী পূজার এইরাকে
আকফুরুম সরস্বতী পূজার নবিতে
আকফুরুম নারাইন সেবার ফলালে
দেবাসিলা —
কিন্তুমান কপালখিপার কপালহান
জুরা লাগতেও নালাগের।
পানা সেবারীগই
পানা তাংখাহান লুহঙর কোপাংহানাত
থৈতেগা মোরে দেহিয়া
কান্দাহান শুদ্ধা তুলিয়া
মণ্ডলীগর বাহিরে মানু আসিউতা
লালকরিয়া মোরে থদিল —

মি লাজপা পরলুগা ।
 পূজার সেবারীগই
 এইরক বারো নবিতহান
 দৌরাং কাংকরানির আগেই
 মোরে দেহিয়া ধারানালা সহ
 পূজার মালঠেপগত্ত
 দুরেই করিয়া দোয়াদে থদিল ।
 বুজন ইমা-ইন্দল কতগই
 জেঙা কলার যারিহান
 হনিয়া হারপেয়া
 লুহঙহানান্ত বারো পূজাত্ত
 উঠিয়া যানাকা লেপসিলা
 কতগৈ তানুরে বুজেয়া থসিলা ।
 গোট আহান মানুরে মোরে
 দেখলা হারপেইলা
 মোর বারো ধারানালার
 যারিপরি ফামে-ফামে গেইলা
 মি লাজপেইলু নিয়াম লাজপেইলু ।
 মানু উগিয়ে মোরে
 বাকী মানুরাং চেলকরাং গিয়া
 হারনাপাশি মানুরেও হারপোয়েয়া
 মোরে একেবারে কোনাঠাসা করিয়া
 সহিতে মরার সাদানে
 কুরুসুমকরে দিলা ।
 মোরে একেবারে ইলেইলেইকরে দিলা ।
 চি ! চি ! বুলিয়া মানুরে থিক্কার দিলা
 মি লাজপা পরলুগা
 নিয়াম লাজপেইলু
 আজিও মি জেঙা কলা
 জেঙা কলা অয়াই থাইতৌ । ০

যাদগার

অনিতা সিংহ

লিভার ফ্রাই আসেতা ? লিভার ফ্রাই ?
 আসে, আসে, কয় প্লেইট ?
 দুই বারো আ'গ ফুল ।
 মদ পিনারকা কলিজা !
 কলিজা খানারকা মদ ! !
 বা, কলিজার ঝাল উহানি
 বইতল্গত ডালেদে
 প্লেইট আহান লিভার ফ্রাই ।
 মোর কলিজার ফ্রাই করতউ
 আজি মোর নুৰা জীবনর পাটী
 হাবি আয়ো
 মোর টুকরা আহান লিভার ফ্রাই
 বারো ইয়াদগার
 রাতি আহান
 কালিও মি অইতউ দেহ সৰ্বস্ব । ০

আন্দুকা পৌয়াল্পা

রামলাল সিংহ

খলপাংপা গিরক,
আকতারে নাইলেও
ইসাল্পা ওজাগাসিরেতে
লাজপানি থক্ ।
ইলৌ - পালৌ
দেব তি লৌ,
“রাগ - রাগিনী ভঙ্গ হয়
ত্রিপুরারী বিনে রাগ
সম্পূর্ণ না হয়”
কইতে সুপও নেয়সে তোরাং
পশুপতির ডর- ভয় ।
রাগ-রাগিনী কাদিয়া জলে- নালে ।
সরনাপন্ন - অ তি মহাদেবর
রাগ-রাগিনীরকা নাইলেও
হুদা তোর সালে ।
কয়ংহান খুলিয়া হংকরেসং
ভিক্ষার বুলিগ
ফালুয়েদে পাতেসং
যেমন ইকার হোপিগ ।
ফালুত বয়া মুরে আতদেসি
মদন এইগা বারো বাপুজীগাছি,
তানু খালকরিয়া নাপেইতারা
বিদুর-ভুলার সাদে বিসারতারা
পথ তানুর প্রজন্মর
ইমা বিষ্ণুপ্রিয়ার জিপুতর ।○

রেশা-রেশি

(শিশু সাহিত্য)

শ্রী কৃষ্ণচরন সিংহ

নিজরে নিজে, ডাঙর বুলিয়া ।
ঘর-বিতরে, কৌলি করিয়া ॥
আগরাং আগই, যানা নুরারিয়া ।
থইলাং আমি, হাবিতা ॥
পিছ-মুও আমার, কিহান অসে ।
গাও-ঘরেদেও, ঠাং, ঠাং অসে ॥
আগুরানির উপায় নেয়সে ।
পরলাং আমি বিপাকে ॥
তিতে তলপা, মি আপাংপা ।
নাহিছ তিমোর, কীর্তনর মা ॥
ছেপহান পেয়া, চেইহৌ দিয়া ।
জিঙোরি বুলতে, ডঙরে পরিয়া ॥
হেরহান চেয়া সেলকম থয়া ।
পিতৌ বুলতে, মেকুরে পেয়া ॥
এরেদিক হাবি, রেশা-রেশি ।
আগরে আগই, বেজা-বেজি ॥
ওপেইত আমার, হাবি ঝামেলা ।
যিঁতেগানাই, দুরেইরমা ॥○

পুল্লাপ-অনুপ্রাসর কবিতা

মৃণাল কান্তি সিংহ

(১)

পলিয়া পাতার পিঠিত পলিয়া
পানিত পরিল প্রতিক পালয়া
পাছরিয়া পথগ প্রজাপতি পেয়া
পইলা পানি পিল পেলয়া।।

(২)

কটাই কট-কট করিয়া কাকেই কারতে
কওয়াই কা-কা করিয়া কৌলি করলা
কাল কুমশালিরে কলকরতেগা কোকিলে
কক্কাই কারলা কটকিনার কাঁটা।

(৩)

মোর মনর ময়নাই মাতের
মতি মহলে মানুর মুণ্ডে
মেলক মুরগ মণির মিঙালে
মনাউরি মিতে মরানি মণিপুৰে।।○

(পাঠক গিরিগিথানির গজে মর হেইচাহান
যে কবিতাহানির নাং নিজে লেপকরিয়া
পাকরেদিবাং)

নন্দিনী

রুমি সিংহ

হে ! নন্দিনী
তোর নাঙ বিলাসিনী।
ভানুর ঝিলক
গোপীকারতে তিলক।
মালেমে তি থায়া
চাউরী কুমেই কিয়া?
মাতেদেনে তোর প্রানর কালারে
দয়া করেদক আমারে।
সিরেদক মোর থাম্পালগ
হাজেইয়া থসু হনার জাকাগ।○

সংগীত বারো জীবন

শ্রীমতি বীনা সিংহ

সংগীত বারো জীবন বাহি দ্বিগী আগর গজে আগ নাপয়া আসেতা। আগরে বেলেয়া বাকী বাহি উগর কথা খালকরে নুৱারিয়ার। সংগীত ছাড়া জীবন অনাই নুৱাৱের। সংগীত ছাড়া জীবনর কোনো মাহিত্য নেই। যে জীবনর শিংলেয়ে শিংলেয়ে এলা, নাসা বা যন্তর ঝংকারর রৌ না বাজের উতাইলে ও জীবন রসপূর্ণ নাগই। জীবনর কোনো পূর্ণাঙ্গতা নেই, বিফল জীবন বুলানি যাকরের। সংগীত ঠিক নাপাকুরা মানুর সংখ্যা নিয়াম য়ান্ত। বারো এসাদে মানু উতায় বিকৃত জীবন যাপন করতারা।

তারো সৃষ্টির অকরান্তপুৰি প্রলয়র কালা সেন্দাহান পেয়া সংগীতর য়ারি-পরি বারো অসিদ্ধ আমি হাবিয়ে যাকরানি লাগতৈ। জীবন মহাপ্রস্থর পাতাহান লেহে উল্টেয়া চেইলে অধ্যায় উতা সংগীত শূন্য নাগই। যুগ সেরা মানু এতা জরম অনার সময় এলা হুনতারা বারো মরানির পিসেদেও এলা হুনে হুনে শ্মশানে যিতারাগা। জীবন এহানর তুল সংগীতর সম্পর্কহান এমাটিক গাঢ় বুল্লেও নিয়াম না আকর। তারো হিন্দির পারেং দুহান মি না মাতিয়া নুৱারৌরী।

“ক্ষিতি, জল, পাবক, গগন, সমীরা।

পথ্য রচিত অতি অধম সরীরা।।”

এরে পাচগ তত্ত্ব তিলয়া দেহ এগ হঙরতা বারো এরে তত্ত্ব এহানরে জীবনর খোড়াক বুলিয়া যাকরতারা। এহানর যেকোনো তত্ত্ব আহান দেহগত্ব কমইলে জীবন লীলাহান লয়ৈতৈ। এহানরেই প্রকৃতির খোড়াক বুলতারা। বৈজ্ঞানিকে পেয়া প্রমাণ করিয়া দেখুয়াসি যে এরে পাচগ তত্ত্বর মাজে নিয়াম পাৱা সংগীত যৌঅয়া আসে।

প্রানীতত্বাবিদ ডারউইনর মতে যৌন নির্বাচনল জীৱর স্বর ক্রমবিকাশর ফলে প্রয়োজনর তাগিদে সংগীতর রৌ পটেসেতা। যৌন নির্বাচনর হুৱু প্রয়োজন উহান লালয়া তার সংগীত উহানরে আধ্যাত্ম সাধনায় কাৎকরেসে।

উহানে গ্রীক মনীষি প্লেতোয়ে মাতেসিলতা "Music for soul"। আত্মার খানি উতায় যেসাদে দেহগর ভকহান মারিয়া দেহগরে পুষ্টি করের উসাদে সংগীতে আত্মাগর ভকহান থামেয়া মনহানরে হারৌ করের। ঠইর লগে সংগীতর সম্পর্কহান খেইকরানি চিল। তারো রবীন্দ্রনাথ ঠাকুরে মাতেসিল - সংগীত এহান হৃদিধর্মী বস্তু

বারো ঠইর বিকাশ উহানরমা আছে।

মানুর জীবনে সংগীতর হাতাপ নিয়াম পারা আসে। অস্থির রৌচা মন উহানরে সংগীতে নুঙেই করে ইঙ্গ করে পারের। মানুর জীবনে সংগীতর হাতাপহান মাদকর সাদানে। উহানে দেহিয়ারতা মালকে তেইর শৌগরে ঘুমজুরানিরকা এলা দিরি। নুরারার যন্ত্রনায় ভোগের নুরারা উগপেয়া এলা ছনতে ছনতে মিকুপ আহানরকা তার নুরারার যাতনা পাছরের। এলাল নুরারা আলনির ব্যবস্থার কথা বাইবেলেও আসে। ডরুরা, সল মন উহানরেও এলায় পাংকাল করে দেব। মাস্তে গেলেগা শোক, দুঃখ, হারৌ-পিয়ম জীরনর হাবি অবস্থাত সংগীতর ব্যবহার সভ্য, অসভ্য হাবি সমাজে অয়া থার।

মনহানরে কঙালা, নমনীয় বারো সংযত করানিকা সংগীতর প্রয়োজন অর। অসাড় মনর গজে সংগীতে কাম নাদের। যে মানুরতা মনহানাত দয়া, মায়া, বানা-নুংশি, প্রেম, ভক্তি আদি মানবিক গুন এতা নেয়সে, ঔ মানু উতারে সংগীতে সামাজিক করিয়া তুলে নুরারের। উহানে ইংরাজ মহাকবি সেক্সপীয়ারে মাতেসেতা - "The man that hath no music in himself. Let no such man be trusted."

ভারতর সংগীত শাস্ত্রেও মাতেসেতা -

“শ্রুতিস্মৃত্যাদি সাহিত্য নানা শাস্ত্র বিদোই পিচ।

সংগীতং যেন জানন্তি তে দ্বিপাদা মৃগাঃ স্মৃতাঃ।”

তেবও মানুর গুন উতা মিমুত নায়া মনহানাত সুপ্ত অবস্থায় থাইলে তবে সংগীতল উতারে ইখৌ দেনা সম্ভব অর। সুবিখ্যাত ঐতিহাসিক প্লুতার্কে মাতেসিলতা যে দল আহান এথেনীয় গ্রীকবন্দিরে দাস করিয়া কামিলা হিসাবে সিসিলির খনিগর্ভত জিংতা জিংতা মরনর থতাত এরে দেনা অসিল উপেইত যেতাই নুংশিপা সুরে এলা দেসিলা তানুরে দাসত্বত্ত মুক্তি দেনা অসিল নিষ্ঠুর শাসকর পাষান হৃদিগরেও এলায় গলা পারের। সংগীতে হৃদিগরে হিংসা, নিন্দা, পাষান, তলপা আদি মলিনেত্ব মুক্ত করের। হৃদা হারৌ-পিয়মরকা নাইগে, জীবনহানরে সুস্থ, বলী পাংকাল করানিরকা সংগীতর নিয়াম পারা প্রয়োজন।○

